

# 增訂實用北京指南

## 目錄

圖畫  
地理  
禮俗  
宗教  
法規  
公共事業  
交通  
實業  
食宿游覽  
古蹟名勝  
地名表  
附北京內外城簡明  
地圖一幅及索引

商務印書館出版



# 增訂實用北京指南第一編

## 地理

### ●建置之沿革

北京。唐虞之幽州也。夏曰冀。殷仍曰幽州。周封堯後及召公於此。則曰薊。曰燕。秦曰上谷。漢曰廣陽。魏晉及唐皆曰薊州。而晉唐又或稱范陽。稱幽州。至五代石晉。遂爲遼有。遼太宗會同元年。升幽州爲南京。又曰燕京。聖宗開泰元年。改爲析津府。置宛平。析津二縣治。宋宣和五年。金人來歸燕京六州。遂改稱燕山府。金貞元四年。金主亮幸燕。因定京邑。以爲中都。府曰大興。改析津縣爲大興縣。元初亦稱大興。世祖至元九年。改爲大都。明洪武初。改北平。永樂中。定都北京。營建宮殿。改順天府。北京之名始著。大興宛平二縣。一仍遼金之舊。清因明制。無所更易。民國成立。以統制之便。仍建首都於此。亦如其舊。

### ●城池之沿革

京城爲唐藩鎮故城。遼金元明迭次改築而成者也。

藩鎮故城不可攷。攷自遼始。遼聖宗開泰元年。改幽都府爲析津府。方三十六里。門八。東曰安東。迎春。南曰開陽。丹鳳。西曰顯西。清音。北曰通天。拱辰。其城址在今城西偏。按正陽門外琉璃廠。卽古之海王村。李內貞墓誌稱其地爲燕京東門外。則遼城之位置可知矣。金太祖天會初。宗望取燕山府。因遼宮闕築四城。城各三里。前後各一門。及海陵立。復增廣燕城。周二十七里。門十三。施仁。宣曜。陽春。東三門也。景風。豐宜。端禮。南三門也。麗澤。灝華。彰儀。西三門也。會城。通元。崇智。光泰。北四門也。元至元四年。乃於中都北建今城。而遷都城。方六十里。爲門十一。南之中爲麗正。左爲文明。右爲順承。東之中爲崇仁。左爲光熙。右爲齊化。西之中爲和義。左爲平則。右爲肅清。北門二。東曰安貞。西曰健德。明洪武元年。命徐達經理元都。縮其城之北五里。廢光熙肅清二門。改崇仁曰東直。和義曰西直。

安貞曰安定。健德曰德勝。餘仍其舊。永樂十五年。營建北京宮殿。復拓其城之南。周四十里。又改麗正曰正陽。文明曰崇文。順承曰宣武。齊化曰朝陽。平則曰阜成。是卽今城之內城也。嘉靖三十二年。復於內城南建外城。長二十八里。爲門七。南曰永定。左曰左安。右曰右安。東曰廣渠。西曰廣安。東隅之北向者。曰東便。西隅之北向者。曰西便。是卽今城之外城也。清室建都。悉因明舊。無所損益。民國以來。謀交通之便利。敷設環城鐵路。起自西直門車站。與京綏路銜接。經德勝門安定門東直門朝陽門至東便門角樓。穴城垣以徑接京奉鐵軌。直達前門車站。所過各門。均拆廢甕城而改築敵樓。正陽門左右。則各關二門。分途出入。車馬往來。無復從前之擁擠矣。

●疆界

北京之疆界。不以城垣爲限。所謂京師者。實合內外城二十警區暨步軍統領所轄二十營汛而言。準是而定北京之疆界。實東至通縣。南至東安固安。

西至良鄉。北至昌平也。

●形勝

秦漢以來。幽燕早成鉅鎮。光武資之而中興。慕容竊據以稱雄。自是而降。後魏周隋唐宋。或建州郡。或置府鎮。均視爲要區。而遼金元以及明清。相繼建都於此。中原受其控馭。垂千餘年。蓋其地勢左環滄海。右擁太行。北枕居庸。而又有山海紫荆倒馬喜峯古北獨石之要隘。南襟河洛。而又有天津之門戶。其形勝實甲於通國也。況自輪軌盛興。交通益便。形勢之險要。亦因之而增進。就北京論之。京漢京奉京綏三大幹路。可以通行全國。而東由海道。直達南方。信能坐鎮而統攝之也。

●地勢

北京位於直隸省之正中。東南平原。西北高山。故其地勢。西北高而東南下。茲將其界內之山脈河流池沼溝渠略述之。

(甲)山脈 京城西北諸山。皆太行山脈自西迤邐而來。盤踞於京城之西北。俗所謂西山者是也。西山

之外。如玉泉萬壽畫眉普陀荷葉盧師石景翠微軍都翠屏丫髻牛郎西湖百望小五臺湯山燕山香山等。皆其支脈。而隨處爲名。

(乙)

河流 環京城之水。東有白河。源出密雲。南流至通縣。城南有蘆溝河。出大同桑乾。入宛平界。西有玉河。出京西玉泉山。東流至高梁橋。北折而沿城東流。至德勝門。迤西入城。東南流爲積水潭。爲十刹海。從十刹海分二支。一東流。至地安門。迤東。貫皇城而注於崇文門。西護城河。一南流。由地安門迤西入皇城。復分二支。一南流爲太液池。一東南流爲禁城城池。兩水會於長安橋。東流至皇城東南隅。與北來之水。(卽注崇文門西護城河之水)會入通惠河。與白河合。北有濕餘高梁黃花鎮川榆河。孫河。清河諸水。俱繞京城之北。

(丙)

池沼 京城內外之池沼。其名不一。曰湖。曰池。曰海。曰潭。曰河。面積皆不甚廣。而皆爲潞水之地。則一也。城外之大者曰昆明湖。在西直門外海淀北七里。次曰玉淵潭。在順天府西十里。再次曰十里

河。在永安門外。城內之大者。爲太液池。又曰三海。在皇城內西偏。總統府卽中南兩海也。次曰十刹海。分前後兩海。前海在地安門外迤西。後海在德勝門內迤東。兩海相通之處。有石橋。曰銀錠橋。地勢最高。可望京西各山。再次曰積水潭。亦稱淨業湖。在德勝門內迤西。面積亞於什刹海。爲玉河入城蓄聚之處。城中各河。皆導源於此。他如宣武門內之太平湖。崇文門內之泡子河。正陽門外南小市之魚藻池。先農壇北之蓮花池。西之黑龍潭。葦池等。大率僅當十刹海之半而已。

(丁)

溝渠 京城溝渠。凡通衢大路。莫不有之。然必蓋以石。覆以土。皆不顯露。茲所述者皆明溝也。最長者二。一在內城。北起西直門內橫橋。南行。經阜成門內馬市橋。至北關口。曲折而東南。至宣武門內迤西象房橋。穿城而入護城河。今自南而北。改建雙箭荷葉溝。上築馬路。一在外城。西起先農壇西北隅。沿牆東行。經天橋。復沿天壇北垣。直東至天壇之東北隅。轉南。穴城垣而出。入於護城河。其起

自西長安街中間馬路南。經小土地廟前。南行過板橋直南。至化石橋。穿城而出。入護城河。至民國七年。已改建雙筒暗溝而上築馬路矣。

●氣候

北京地在東經一度十八分。北緯三十九度五十五分。適當溫帶之中。土堅厚。地爽塏。其氣候爲大陸性質。故夏有酷暑。冬有嚴寒。暑時雖單衣而猶熱。寒時雖重裘而不溫。惟春秋和煦宜人。每年約於陰曆九月降霜。十月末河凍。十一月初雨雪。二月初河冰盡融。三四月多東南風。少雨。五六月多雨。七八月多西北風而漸寒。四季氣候。以華氏寒暖計之。夏高至九十餘度。冬最低時。不及二十度。春秋兩季。則在六十度左右。近以京津浦兩路交通之故。氣候較前稍異。而尤以春時爲最。

●內城之概略

內城位於外城之北。形爲正方。面積約一百一十二方里。設門九。南爲正陽（俗稱前門）南之東爲崇文（俗稱海岱門）南之西爲宣武（俗稱順治門）

東之南爲朝陽（俗稱齊化門）東之北爲東直。西之南爲阜成（俗稱平則門）西之北爲西直。北之東爲安定。北之西爲德勝。而東西距略長。西北隅稍內縮。皇城在中而微南。鐘鼓二樓在北。與地安門相對。街衢之最長大者。南北爲自宣武門及自崇文門直北至城根。而安定門大街王府井大街德勝門大街次之。地安門大街又次之。東西以東直門大街及東西長安街爲最長。而西直門大街阜成門大街朝陽門大街次之。內城警察分十區。中二左右各四。行政公署多在南半城。如財政部交通部司法部高等審檢兩廳地方審檢兩廳警察廳鹽務署高等文官懲戒委員會司法懲戒委員會會市政公所等是也。海軍部陸軍部外交部內務部均在東城。教育部農商部均在西城。步軍統領京兆尹大興縣宛平縣。均在北城。其他衙署局所。則散布於所屬之左近。外國使署及其商業。多在東交民巷及崇文門內一帶。樓閣雄壯。街衢整潔。內城繁盛之區。以東四牌樓西單牌樓地安門

大街爲最。商店林立。百貨雲集。往來游人。盤旋如蟻。故都中有東四西單後門（卽地安門）一半邊（買賣游人常在大街東半）之諺。他如西直門內之新街口。東直門內之北新橋。東安門外之王府井大街。亦爲商肆集聚之地。惟較東四西單等處爲遜耳。平日游覽之所。則有東安西安各市場。而東安尤盛。茶樓酒館飯店戲園電影球房以及各種技場商店無不具備。比年蒸蒸日上。幾爲全城之精華所萃矣。至若護國寺隆福寺白塔寺等處。每屆廟期。游人麇集。亦幾如市場也。夏日消暑。則有十刹海積水潭。堤柳塘蓮。風景清絕。古詩所謂清風明月無人管。並作南來一味涼者是也。

### ●外城之概略

外城包內城之南。形如巨鎖。面積約八十二方里。設門七。南曰永定。曰左安（俗稱將才門）曰右安（俗稱南西門）東曰廣渠（俗稱沙鍋門）曰東便。西曰廣安（俗稱彰儀門）曰西便。南北幹路。以自正陽門至永定門者爲最長。而崇文宣武兩門外

大街次之。東西幹路。以自廣安門經菜市口珠市口瓷器口至朱家營者爲最長。蓋幾與外城東西相埒矣。警察分十區。左右各五。城之南半。大半爲荒野。而天壇先農壇龍爪槐陶然亭黑龍潭等勝跡在焉。春秋佳日。游人紛集。城之北半。民居商店至爲繁密。而正陽門大街及左右之大柵欄觀音寺廊房頭條二條煤市街鮮魚口及附近各巷。尤爲繁盛。其間商店類多盛飾門閭。高懸電燈。每日薄暮。游人益多。車馬塞途。窘於徒步。花兒市大街驢馬市大街東西珠市口打磨廠西河沿。亦皆商肆林立。至於戲園妓院以及食宿游覽各處。無不完備。今言其概。則逆旅多在西河沿打磨廠糧食店驢馬市酒館飯館。多在香廠觀音寺煤市街糧食店肉市打磨廠。戲園則泰半在大柵欄而散布於西珠市口打磨廠鮮魚口肉市門框胡同東茶食胡同。又有天橋蓮南之戲棚。妓院則叢集於石頭胡同王廣福斜街陝西巷韓家潭百順胡同柏興胡同朱茅胡同朱家胡同燕家胡同青風巷留

守衛小李紗帽胡同王皮胡同蔡家胡同。而普通娛樂之所。則爲新世界城南游藝園第一樓勸業場青雲閣集雲樓賓晏樓天橋等處。球房浴所。則在大柵欄觀音寺附近一帶。蓋以京奉京漢兩車站分設於正陽門左右。中外人士之旅京者。率聚於此耳。

●內外城新闢街道

民國紀元。講求市政。皇城既增更門。又於內外城開闢新街。其在內城者。曰府右街。北起西安門內大街。沿國務院總統府西牆。貫皇城而南。至西長安街。馬路寬坦。車馬便捷。在外城者。曰新華街。北起琉璃廠廠甸。南至虎坊橋。道路寬廣。商廬對列。卽香廠一帶之曠地。近已闢爲街衢。樓屋四起。馬路縱橫。而新世界商場尤爲傑出。計其街道。南北幹路爲萬明路。東西幹路爲香廠路。兩路相交。形如十字。其他支路。屬於萬明路者。則有保吉路華嚴路仁民路。屬於香廠路者。則有仁壽路香仁路華仁路大川路。縱橫四達。略如津滬。又內城南起化

石橋。北經板橋西北向。抵長安街。與府右街相對。掩蓋溝渠。修築馬路。曰北新華街。並擬穴城垣爲門。與南新華街銜接。將來內外城之交通。自更便利矣。至中華門前舊設之石欄。欄間東西交民巷相對處。有木柵門各三。早已拆毀。鋪墊馬路。由中華門前東西相通。其東西長安門。亦可東西往來。門外南面皇牆。改爲花牆。並將舊式之方門。改建新式坊門矣。

●皇城之概略

皇城位於內城之中。形正。方。缺西南隅。城周十八里。三分里之一。高一丈八尺。爲門一十有五。南出而近正陽門者。曰中華門。卽舊大清門也。在中華門北而東向者。曰長安左門（俗稱東長安門）西向者。曰長安右門（俗稱西長安門）在長安右門外之東向西向者。曰東三座門。曰西三座門。南向而近長安左門長安右門者。曰東方門。西方門。巍然於西三座門迤西者。曰新華門（內爲總統府）在中華門之北者。曰天安門。在天安門之北者。曰端

門。端門之北。東西向者有二門。東曰闕左。西曰闕右。自是稍北。卽爲紫禁城（詳見清宮）在城之正東者曰東安門（俗稱外東華）正西者曰西安門（俗稱外西華）正北者曰地安門（俗稱後門）街衢之寬長者爲南北池子及南北長街。警察分二區。以其位於內城之中。故曰中一。中二。全城面積。清宮及景山西苑。約佔其半。清宮居中而偏東。景山在清宮之北。西苑直亘南北而偏西。其餘各地。則爲民居商店及行政公署。如國務院參謀本部航空署。均在西安門內。清室之各司庫及護軍管理處等。均在南北長街及南北池子。北京大學則在景山東。城內不甚繁盛。商店貨品。僅供居民日用而已。惟社稷壇改爲中央公園。游人麇集。則爲皇城之第一繁盛處所也。

### ●皇城新闢之缺口

皇城向惟東安西安地安三門。可以出入。民國紀元。以謀交通便利之故。特於皇城開闢便門數處。其在城之南者。天安門之左曰南池子。天安門之右

曰南長街。凡由地安門至正陽門。或由正陽門至地安門。可循景山東西街及南北池子南北長街以往來。又南池口之東。闢一便門。可通崇文門西之水門。總統府西棗林地方。闢一便門。可由西安門內大街直通西長安街。其在城之東者。東安門之北曰花園口。外對翠花胡同。並通東四牌樓。又花園口之北。闢一便門。曰北箭亭口。斜對小蘇州胡同。可通寬街。東安之南。闢一便門。外對大甜水井。其在城之北者。地安門之西曰教場口。北通南藥王廟。可達什剎海。再西曰北柵欄。外對廠橋。北通德勝門。西通西四牌樓大街。此外如中華門內之千步廊。亦於民國二年將廊拆廢。東西各闢一門。東通財政部。西通四眼井。行人往來。頗稱便利。近有拆去東安西安兩門以南皇牆之議。而西安門以南之皇牆。已著手拆卸矣。

### ●清宮

清宮。卽紫禁城。明永樂中建。按明成祖初封於燕。其邸乃元代隆福興聖諸宮遺址。在太液池西。元之

舊內。在太液池東。及成祖改建都城。遂悉入西苑。而別營宮城於其東。卽今清宮也。位於皇城之中。而微偏東南。南北各二百三十六丈二尺。東西各三百二丈九尺五寸。周一千七十八丈三尺。崇三丈五尺。凡四門。南曰午門。北曰神武。東曰東華。西曰西華。四隅皆有角樓。

午門爲紫禁城正門。三闕。上覆重樓九間。門前左設嘉量。右設日圭。左右各一闕。西向曰左掖。東向曰右掖。上覆鐘鼓明廊。翼以兩觀。傑閣四聳。與中相輔。俗稱五鳳樓。昔者清帝之視朝也。樓上鳴鐘鼓。皇帝駕出入午門。則鳴鐘。祭享太廟。則鳴鼓。凱旋獻俘。則御午門樓。行受俘禮。每歲十月朔。頒時憲書。亦於午門外。

午門內東西兩廡各二十間。在東廡中者曰協和門。在西廡中者曰熙和門。

太和門。在午門北。南向九間三門。前後陞各三出。左右陞各一出。門前列二銅獅。金水河環之。跨石梁五。卽內金水橋也。門之左右向南而門者各一。東

曰昭德。西曰貞度。門之內。東西廡各三十二間。東廡爲體仁閣。西廡爲引義閣。內務府之銀皮緞衣。盜茶六庫在焉。

太和殿在太和門北。殿高十一丈。橫十有一間。縱五間。上爲重檐。脊四垂。有御題額。曰建極綏猷。殿前丹陛環以石欄。陛五出。各三成。列鼎十八。銅龜銅鶴各一。丹墀內爲文武百官禮位。範銅爲山形。鑄正從一品至九品字樣。東西各二行。行十有八。列御道旁。每歲元旦冬至萬壽三大節。及國家有大慶典。清帝則御殿受賀。朝會燕饗。命將出師。臨軒策士及臣工除授謝恩。亦皆御之。

殿之左右。南向門二。左曰中左。右曰中右。廣皆三間。殿後東西廡各三十間。中和殿在太和殿北。縱廣三間。方檐圓頂。御題額曰允執厥中。南北陞三出。東西陞一出。西廡第二連房。爲銅器庫。凡祭祀視祝祝版耕籍視五穀農器。皆於此。玉牒告成。亦於此恭進。保和殿在中和殿後。殿九間。重檐垂脊。御題額曰皇

建有極前陞三出。與太和殿丹陛相屬。後陞三成三出。每歲除夕。筵宴外藩。及每科朝考新進士。皆御之列祖寶訓實錄告成。纂修官亦於是恭進。殿之左右各一門。左曰後左。右曰後右。皆三間南向。前後出陞。殿之後。東西向門二。東曰景運。西曰隆宗。而崇基列陞。巍然於殿之北者。乾清門也。自是而外。以至午門。凡殿三門十餘重。是爲外朝。

乾清門五楹。中三門。前陞三出。各九級。陞前列金獅二。清帝嘗御門聽政於此。左旁爲內左門。右旁爲內右門。兩門之內。東西周廡各十二楹。東爲文武大臣奏事待漏之所。西爲侍衛房及內務府軍機處直舍。其北向而與周廡相對者。則爲宗室王公待漏之所。是門以內卽宮禁矣。

乾清宮在乾清門內。南向。廣九楹。深五楹。清世祖御書額曰正大光明。召對臣工及引見庶僚。皆御之。每歲元旦宴諸王。亦於此。

宮之左爲昭仁殿。貯宋金元明舊版書籍四百部。名天祿琳琅。殿後楹爲五經萃室。藏岳珂所刊五

經。宮之右爲弘德殿。東廡爲御茶房。內直廡。稍南爲端凝殿。殿南爲舊設自鳴鐘處。與端凝殿相對者爲懋勤殿。圖史翰墨之具皆貯此。殿南爲批本處。自昭仁殿而南。東出者爲日精門。門之南爲御藥房。再南一室爲奉至聖先師及先賢先儒神位處。又南轉而北向者。爲上書房。皇子肄業於是焉。自弘德殿而南。西出者爲月華門。門之南爲奏事房。南轉而北向者。爲南書房。乃內廷詞臣直廡。東爲宮監辦事處。有清聖祖御書敬事房三字。又自昭仁殿之左東出者。爲龍光門。弘德殿之右西出者。爲鳳彩門。

交泰殿在乾清宮後。制如中和殿。御用寶璽藏於此。凡二十有五。兩廡左出者爲景和門。右出者爲隆福門。

坤寧宮在交泰殿後。廣九楹。左爲東暖殿。右爲西暖殿。東暖殿之東爲永祥門。稍北爲基化門。俱東出。西暖殿之西爲增福門。稍北爲端則門。俱西出。宮之後則爲坤寧門。

御花園。在坤寧門外。南向之門三。正中爲天一門。前列金麟二。左曰瓊苑東門。右曰瓊苑西門。在天一門北南向者。爲欽安殿。內奉玄武神。殿東稍北。疊石爲崇山。中有石洞。御書雲根二字。山上有亭曰御景亭。亭東爲摘藻堂。藏四庫全書薈要。堂東爲凝香亭。堂前有池。池上爲浮碧亭。南爲萬春亭。再南而西向者。爲絳雪軒。軒前多海棠。由是再南。卽瓊苑東門矣。欽安殿之西。稍北爲延暉閣。額曰凝清室。與閣相對者。爲四神祠。閣西爲位育齋。齋西爲毓翠亭。齋前有池。池上爲澄瑞亭。南爲千秋亭。又南爲養性齋。東向者七楹。南北向相接者各三楹。皆有樓。由是再南。卽瓊苑西門矣。欽安殿之後。北向者爲承光門。前列金象二。門之左右東西向者。左曰延和門。右曰集福門。而位於正中者。爲順貞門。再北則爲神武門。乃紫禁城之北門也。

文華殿。在協和門東。南向。崇階九級。前有門三間。後爲主敬殿。每歲二月。清帝輒御經筵於此。

傳心殿。在文華殿東。前爲景行門。祀皇師帝師王師。

先聖先師於此。院東有大庖。井上覆以亭。文淵閣。在文華殿後。凡三重。上下各六楹。層階兩折。上覆青綠瓦。前甃方池。跨石梁一。引玉河水注之。中貯四庫全書。有御製碑記。清乾隆辛丑以後。御經筵畢。賜講官茶於此。在文華殿南者。爲內閣。乃大學士直廬。在文華殿後西向者。爲上駟院。院之北南向者。爲箭亭。有御書太宗諭旨臥碑并跋。箭亭之東爲御茶膳房。由文華殿東北。度石橋爲三座門。其東爲鷹狗房。西屬之文淵閣。

擷芳殿。在三座門內。南向。殿宇三所。稍西夾道爲茶膳房庫宇。東南一帶爲花馬廐及藥房等處。後改建三所。爲皇子所居。御藥庫國史館皆在東華門內。迤北。鑾駕內庫戶部內庫。皆在東華門內。迤南。武英殿。在熙和門西。南向。崇階九級。環繞御河。跨石橋。前門三間。內殿二重。爲藏貯書版之所。殿北爲洛德堂。卽修書處。再後稍西爲井亭。殿西爲尙衣監。殿宇二重。今作清字經館。自是又西。爲器皿庫。咸安宮。在器皿庫西。爲教習八旗大臣子弟處。其北。

有河流自西北而東南。爲內金水橋之經流。俗名笛子河。河東爲三通館。再東爲方略館。方略館之東。位於右翼門外。南北與之相對者。爲緬子館。回子館。在緬子館北者。爲造辦處。在造辦處前者。爲白虎殿後房。三通館之西。東向者。爲內務府署。凡三院七司。掌內府財用出入及祭祀燕饗膳羞衣服。賜予刑罰工作教習諸事。清世祖御書堂額曰。職司綜理。並有嚴禁中官鐵牌。其在方略館北者。爲冰窖。屬內務府。此皆笛子河以東之宮殿處所也。其在笛子河西者。則有車庫。廣儲司。御書處。酒醋房等。車庫在笛子河西連房。廣儲司在西華門內。迤北。爲內府庫藏總匯之所。御書處亦在西華門內。迤北。專司恭刻御製詩文法帖之屬。酒醋房則又在廣儲司之北焉。此笛子河以西之各處所也。而武英殿之南。與之隔河相望者。則爲南薰殿磁器庫。南薰殿藏歷代帝后圖像。有御製記及詩勒於臥碣。

東一長街。在日精門外之北。有三宮。前曰景仁。中曰

承乾。後曰鍾粹。俱南向。

東二長街。在鍾粹宮東。有三宮。前曰延禧。後曰永和。其一則在二宮之東。曰景陽。御題額曰學詩堂。藏宋高宗孝宗御書詩經真蹟及馬和之所繪毛詩圖十二卷。並有御製記及詩。

小長街。在景陽宮東。街西向東直出者。爲蒼震門。街東爲內庫房。街北向西者。爲欽昊門。內爲天穹寶殿。祀昊天上帝。

千嬰門。在東二長街北。中有殿宇五所。卽乾東五所也。

仁祥門。在日精門東。內爲齋宮。凡大祀。輒致齋於此。有東西暖閣。後殿及東西室。再東爲陽曜門。齋宮之東。爲毓慶宮。南爲敦本殿。諸皇子所居也。

西一長街。在月華門之西。有三宮。前曰永壽。中曰翊坤。後曰儲秀。俱南向。

西二長街。在儲秀宮西。有三宮。前曰啓祥。中曰長春。後曰咸福。俱南向。街之北。爲百子門。門內有殿宇五所。卽乾西五所也。自是稍東。爲重華宮。前爲崇

敬殿。有御書樂善堂額。東西暖閣俱供佛像。東廡爲葆中殿。額曰古香齋。西廡爲浴德殿。額曰抑齋。後爲翠雲館。浴德殿之東西皆有室。東曰養雲。西曰長春書屋。重華宮之東爲漱芳齋。東次室曰靜憩軒。後爲金昭玉粹。東室曰隨安室。啓祥宮之西南向者爲延慶殿。殿後爲撫辰殿。爲建福宮。後爲惠風亭。又北爲靜怡軒。軒後爲慧曜樓。樓西爲吉雲樓。又西爲敬勝齋。齋垣西爲碧琳館。館南爲妙蓮華室。南爲凝暉堂。又南爲三友軒。凝暉堂前爲延春閣。其右室有樓。前疊石爲山。山上有積翠亭。及奇石二。西曰飛來。東曰玉玲瓏。穿石洞而南。有靜室。曰玉壺冰。洞口題曰驚峯。

養心殿。在月華門之西。遵義門之中南向。爲清帝宵旰寢興之所。召對引見。視乾清宮。殿之東暖閣內有隨安室。西室爲三希堂。西暖閣後有軒三楹。東爲無倦齋。西爲長春書屋。在殿之後爲穿堂。爲二層殿。二層殿之東室。額曰攸芋齋。在養心殿南者。御膳房也。

奉先殿。在景運門之東。肅誠門之中南向。前後殿各七楹。中奉列聖神龜。凡大典禮及乘輿出入。則有告歲時節序朔望。則有薦。忌辰之祭。日三獻。如事生禮。其禮儀供獻。內務府掌之。

寧壽宮。在奉先殿北。蒼震門東。宮垣南北一百二十七丈有奇。東西三十六丈有奇。門六。正中曰皇極。東出曰欽禧。西出曰錫慶。又西向者曰履順門。蹈和門。東向者曰保泰門。皇極門之內。曰寧壽門。內爲皇極殿。殿後爲寧壽宮。宮之後有門。曰養心。內爲養性殿。西宇額曰香雪堂。兩廡嵌敬勝齋石刻。殿後爲樂善堂。西爲三友軒。堂後爲頤和軒。兩廡亦嵌敬勝齋石刻。東暖閣曰隨安堂。西暖閣之外曰如亭。後廈曰導和養素軒。後爲景祺閣。閣東廳宇三楹。階前湖石。刊文峯二字。洞口刊雲竇二字。山亭曰翠鬢。保泰門之北。崇樓三重。上額曰暢音閣。中額曰導和怡泰。下額曰壺天宣豫。其北與暢音閣相對者。爲閱是樓。前後殿宇凡四。前殿額曰尋源書屋。後殿之東曰景福宮。宮後爲梵華樓。稍

西爲佛日樓。蹈和門之內曰衍祺門。門內東宇曰抑齋。東南隅曰擷芳亭。北曰矩亭。抑齋後曰古華軒。軒西硯賞亭。刊御臨董其昌蘭亭記。北爲旭暉庭。軒後爲遂初堂。堂後疊石屏。其西爲延趣樓。東向。樓外爲聳秀亭。亭北爲萃賞樓。西爲雲光樓。樓中額曰養和精舍。萃賞樓之後有圓亭曰碧螺。其北爲符望閣。閣後爲倦勤齋。齋之西廊外爲竹香館。門曰暎寒碧。符望閣之西門外爲玉粹軒。東向其南曰得閒室。北爲淨塵心室。景福宮之後爲兆祥所。皇子居之。

慈寧宮在隆宗門西。東爲永康左門。西爲永康右門。中南向者爲慈寧門。前列金獅二。內爲正殿。御書額曰寶籙駢禧。殿前東廡曰徽音左門。西廡曰徽音右門。後殿供佛像。殿後東廡爲佛室。清聖祖御題額曰四星容華。宮左殿宇二層。東爲慈祥門。與啓祥門相對。慈寧門之東爲長信門。慈寧宮花園前宇爲咸若館。館之左爲寶相樓。右爲吉雲樓。自寶相樓而南爲含清齋。自吉雲樓而南爲延壽堂。

池上爲臨溪亭。咸若館後爲慈蔭樓。宮之東北爲啓祥門夾道。其北南向者爲凝華門。內爲雨華閣。俱供佛。西爲梵宗樓。

壽康宮在慈寧宮西。前爲壽康門。宮額曰慈壽凝禧。東暖閣後殿西室。皆有御書額。

壽安宮在壽康宮後。前爲壽安門。門內爲春禧殿。殿後始爲壽安宮正殿。額曰長樂春暉。東西暖閣。皆有御書匾聯。殿前延樓。左右相屬。中爲崇臺三層。演戲殿後。中庭疊石爲山。東曰福宜齋。西曰萱壽堂。額皆御書。

寶華殿在雨華閣北。昭福門內。殿後爲香雲亭。再北爲中正殿。內監喇嘛居之。

英華殿在壽安宮北。英華門內。殿前菩提樹一。曰畢鉢羅。並有御製詩。樹爲明神宗母世稱九蓮菩薩李太后所植。殿西北有城隍廟。雍正四年敕建。廟東爲祀馬神之所。其西連房爲酒醋局。由是沿城垣而東。則爲神武門。神武門外爲北上門。稍北卽景山矣。

● 京師各公署地址 (依公署之性質分之各附屬機關均附各該主管機關之後)

● 一 議院及其附屬機關

參議院議場 象坊橋 電話西 九六九

衆議院議場 同上 西一六三九

衆議院警衛處 同上 西一八

衆議院公報處 同上 西一四一八

衆議院印刷處 同上 西一四一九

● 二 總統府及其附屬機關

總統府軍樂處 西苑門外 南一五九四

總統府消防隊 北海 東二八五〇

總統府北海管理處 北海 南二二七二

總統府司御處 西長安街 西一二三五

總統府電燈廠 府右街 西一二三八

總統府警察處 西三座門外財神廟 南一二〇

九

總統府毅軍營衛隊 養蜂夾道 西一八二二

公府值衛糧餉局軍米場 嘎嘎胡同 西一七八

九

公府衛隊第三路營務處兼帶步兵十五營 西安

門內輪子胡同 電話南五四三

● 三 國務院及其附屬機關

國務院 南海 南三五四一 東三三〇一 西

二五〇一

法制局 集靈園 西八八五

銓敍局 同上 西八八四

統計局 同上 西八八一

印鑄局 東長安街王府井大街 東一七二五

東九五七 東一〇〇三

印鑄局勳章製造所 王府井大街 東二七八七

政府公報發行所 王府井大街 東二〇一

經濟調查局 西長安街 南一七〇二 南一三

九〇

僑務局 後王公廠 西五〇一 西五〇二 西

二六四一

管理特種財產事務局 西單堂子胡同 西一八

四二 西一八四三

國史編纂處 老爺廟胡同 電話南二二七三

●四 全國水利局

全國水利局 達智營 西一〇七三

●五 京畿衛戍總司令部及其附屬機關

京畿衛戍總司令部衛隊混成團步兵三營 養蜂

夾道 西二五八一

京畿衛戍總司令部衛隊混成團團部 西四牌樓

丁字衛 西一二八九

京畿衛戍總司令部衛隊混成團步兵四營 旂壇

寺 西一七二

●六 將軍府及其附屬機關

將軍府 安定門內大街迤南大佛寺後 東二二

六〇 東一七五〇

將軍府參議處 安定門內大街迤南大佛寺 東

二〇二〇

將軍府軍醫處 安定門內大街迤南大佛寺 東

一四一七

●七 平政院

平政院 西城豐盛胡同 電話西一二二八

●八 審計院

審計院 西城繖子胡同 西一九四〇

●九 外交部及其附屬機關

外交部 東單牌樓北外交部街 東七一五 東

九一五 東九二九

外交部圖書處 外交部內

外交部新公所號房 外交部街 東二九六

外交部頤和園公所 宮門南 西二分局二

●一〇 內務部及其附屬機關

內務部 東四牌樓南內務部街 東二一八二

衛生陳列所 中央公園 南一五〇六

自治模範講習所 交道口東街 東三一五八

河道管理處 內務部街 東二一三一

河道管理處派出所 東河沿鴨子嘴 南三〇八

七

京都市政公所 西長安街 南一六一〇

京都市政公所材料廠 端門 電話南一九一八  
京都市政公所工程隊 宗人府夾道 東二二二六

京都市營造局 天安門 南三一七九

京都市營造局 正陽門外香廠 南一九九一

工巡捐局 南新華街 南三三三 南三〇〇二

京都市工巡捐局樂戶收捐處 正陽門外南新華

街 南三一六五

傳染病醫院 東四牌樓北十條 東一八一〇

督辦賑務處 內務部街 東二一七八 東二八

九五

京畿粥廠籌辦處 北池子草廠胡同 東二七〇

〇

京畿粥廠籌辦處存儲所 化石橋 西一八二四

京師軍警督察處 給孤寺 南三〇九八

京師軍警督察處西分局 報子胡同隆長寺 西

九八〇

京師軍警督察處東分局 報房胡同 東七五五

京師軍警督察處北分局 金絲套胡同 電話西  
一五一八

籌辦八旗生計處 東城王府大街

督辦京東河道事宜處 嘎嘎胡同 東六一九

籌備國會事務局 天安門 南三六三〇

京師警察廳 戶部街 東二一六三

中一區警察署 地安門內銀閣 東三五二 東

二二三三

中二區警察署 地安門內養蜂夾道 西一〇〇

六 西二一四一

內左一區警察署 王府井大街 東五 東二一

三四

內左二區警察署 東城兵馬司西口外 東七二

五 東二一三五

內左三區警察署 鼓樓東寶鈔胡同 東八〇七

東二一三六

內左四區警察署 東直門內大街 東三五九

東二一三七